



Pou Piblikasyon Imedya: 13/07/2022

GOUVÈNÈ KATHY HOCHUL

GOUVÈNÈ HOCHUL ANONSE 200 MILYON DOLA FINANMAN POU REVITALISE ZÒN ANBALAVIL YO NAN KOMINOTE YO ATRAVÈ ETA NEW YORK

Nouvo pwogram 100 milyon dola NY Forward pou ankouraje ak anime sant vil ki pi piti ak riral yo

Lanse Faz 6 nan Inisyativ Revitalizasyon Anbalavil la ki koute 100 milyon dola pou kontinye sipòte zòn anbalavil yo nan sant Metropolis yo

Greater Jamaica Development Corporation ouvri yon nouveau espas travay an komen ki koute 11 milyon dola ak sipò prim Inisyativ Revitalizasyon Anbalavil Jamaica a

Gouvènè Kathy Hochul te anonse jodi a 200 milyon dola nan finansman pou de gwo inisyativ revitalizasyon anbalavil: NY Forward, yon nouveau pwogram ki vize pou rajenisman kominote ki pi piti yo ak kominote riral yo, ak Faz 6 Inisyativ Revitalizasyon Anbalavil (Downtown Revitalization Initiative, DRI) eta ki gen siksè a. Jodi a tou yo te pibliye yon [bwochi](#) edikatif sou tou de pwogram yo. Gouvènè Hochul te anonse finansman an nan Jamaica, Queens nan seremoni koupe riban pou Greater Nexus, yon nouveau espas travay an komen ki koute 11 milyon dola ki te finanse gras ak prim DRI Jamaica anvan an epi ki opere pa Greater Jamaica Development Corporation an patenarya ak York College.

"Anbalavil New York yo se kè ak nanm kominote ak rejjyon nou yo, epi jodi a n ap pran mezi konplè pou sipòte yo", **Gouvènè Hochul te deklare**. "Inisyativ Revitalizasyon Anba Lavil la te deklanche yon renesans nan espas sa yo, ki enpòtan anpil pou kwasans kontinyèl biznis ak ekonomi lokal yo, epi mwen fyè pou m sipòte pwogram vital sa a. Pandan n ap grandi anba lavil nou yo, nou fyè pou nou lanse yon nouveau pwogram — NY Forward — ki pral bay sipò esansyèl pou pi piti kominote riral New York yo pou ede fè yo tounen nan vil ak vilaj ki trè aktif ke yo te ye anvan."

"Pwogram DRI a te revitalize avèk siksè kominote anba lavil yo atravè Eta New York epi avèk nouveau pwogram NY Forward nou an, n ap etann menm lespri sa a nan kominote nou yo ki pi piti e ki pafwa ke yo bliye pou ede rajeni yo", **Gouvènè Adjwen Antonio Delgado te deklare**. "Nouvo envestisman nan inisyativ enpòtan sa yo pral ramne zòn

anba lavil New York ki pratik pou pyeton yo epi retabli cham nan ti vilaj ak ti katye nou yo, yo tout nan objektif pou rekonstwi ekonomi nou an."

DRI a te lanse an 2016 pou akselere epi ankouraje revitalizasyon anba lavil yo ak katye yo nan tout dis rejon eta a pou sèvi kòm sant aktivite epi katalizè pou plis envestisman lokal. Dirije pa Depatman Deta (Department of State, DOS) ak asistans Depatman Biwo Renouvelman Kay ak Kominote (Department of Housing and Community Renewal, HCR), Empire State Development (ESD) ak Otorite Rechèch & Developman Enèji Eta New York (New York State Energy Research & Development Authority, NYSERDA), DRI reprezante yon estrateji "planifye-answit-aji" san parèy ki inovan kiasosye planifikasyon estratejik ak aplikasyon imeda. Gouvènè a te ajoute yon nouvo eleman nan DRI ane sa a ki pèmèt de oswa twa kominote aplike an komen pou yon sèl prim. Jiska dat, DRI a te bay yon total 600 milyon dola pou 59 kominote nan senk premye faz li yo.

Kòm yon pati nan bidjè ane sa a, Gouvènè Hochul te anonse NY Forward pou li bati sou momantòm DRI a. Nouvo pwogram inovan sa, ki finanse atravè 100 milyon dola nan Bidjè Eta ki te adopte ane sa a, pral sipòte yon rekiperasyon anba lavil ki pi ekitab pou kominote ki pi piti ak riral New York yo ak yon konsantre sou vilaj ak katye yo. NY Forward vle di sèvi pi piti kominote yo ak sipòte ekonomi lokal yo ki souvan gen yon santiman ak cham ki diferan de pi gwo sant iben metropolitèn ki finanse atravè DRI.

Menm jan ak DRI, DOS ak yon konsiltan ki deziyen yo pral travay avèk kominote NY Forward atravè yon pwosesis planifikasyon ak asistans teknik pou devlope yon seri pwojè ki fasil pou enplemant, api chak REDC ap deziyen ganyan yo. NY Forward diferan, sepandan, lè li bay atelye pou ranfòse kapasite ak asistans teknik nan men konsiltan yo pou ede kominote yo devlope aplikasyon konplè pa yo epi pandan tout pwosesis aplikasyon an. NY Forward ofri tou de opsyon finansman pou chak rejon—de prim 4.5 milyon dola; oswa yon sibvansyon 4.5 milyon ak de sibvansyon 2.25 milyon dola. Yo dekri resanblans ak diferans ki genyen ant DRI ak NY Forward nan yon nouvo bwochi Gouvènè a pibliye jodi a.

Aplikasyon pou NY Forward ap lanse pita nan mwa sa a epi yo espere chwazi ganyan yo nan fen ane sa a.

Sekretè Deta a, Robert J. Rodriguez, te deklare, "Soti nan pi gwo vil nou yo rive nan pi piti vil yo ak katye yo, sant kominotè ak sant nou yo vini nan plizyè varyete, yo chak ak pwòp karaktè ak bezwen inik pa yo. Gouvènè a te koute bezwen ak enkyetid anbalavil eta nou yo ki pi piti epi li te reponn ak NY Forward konsa tout kominote yo, tankou 39 DRI ak plis, ka gen opòtinite pou yo rantre nan rezijans sant vil cheri k ap dewoule nan tout New York."

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Kreye opòtinite vle di estrateji developman ekonomik entelijan pou asire kominote yo gen resous ak enfrastrikti ki nesesè pou sipòte biznis ak rezidan yo. Atravè envestisman Eta a, New York ap travay pou ankouraje kwasans ekonomik

nan Sidès Queens ki pral sipòte biznis yo, kreye travay, ak katalize nouvo envestisman. Espas ko-travay Greater Nexus la pral ogmante envestisman sa yo pou kreye espas travay abòdab pou antreprenè, antrepriz demaraj yo, ak travayè endependan pou devlope biznis yo ki pral estimile revitalizasyon Anbalavil Jamaica pou ane k ap vini yo."

Ko-Prezidan Konsèy Developman Ekonomik Rejyonal Vil New York la, Winston Fisher, Patnè nan Fisher Brothers, ak Doktè Félix V. Matos Rodriguez, Rektè CUNY an, te deklare, "Greater Nexus Greater Jamaica Development Corporation lan pral ankouraje antreprenarya ak inovasyon, kreye yon avantaj nan opòtinite ekonomik pou Southeast Queens. NYCREDC fyè pou sipòte espas travay an komen Greater Nexus la, ki pral bay espas travay abòdab pou ede ti biznis yo pwospere pandan y ap kreye opòtinite travay ak opòtinite envestisman ki pral sipòte revitalizasyon Anbalavil Jamaica."

Komisè Biwo Renouvelman Kay ak Kominote a, RuthAnne Visnauskas, te deklare, "Anons jodi a pral bati sou siksè inisyativ developman ekonomik Gouvènè Hochul k ap kontinye ap ede transfòme kominote New York yo an zòn pwospere kote moun vle viv, travay ak grandi yon fanmi. Envestisman 200 milyon dola sa a atravè pwogram Inisyativ Revitalizasyon Anbalavil la ak NY Forward lan pral konplete efò ki deja fèt pou konstwi anbalavil ki pi ekitab ak pi dinamik sou plan ekonomik, epi adrese bezwen pou bon jan kalite lojman abòdab ak aksè ak sèvis nan katye riral ak iben nou yo. Nou espere travay ansanm ak patnè eta nou yo ak lidè lokal yo pou pote kwasans kontinyèl ak nouvo opòtinite lojman nan anbalavil New York yo."

Reprezantan Gregory W. Meeks, te deklare, "Mwen felisite Gouvènè Hochul paske li koupe riban nan espas travay an komen sa a isit la nan Senkyèm Distri Kongrè New York la. Mwen te wè pèsonèlman tou travay etonan Greater Jamaica Development Corporation lan deja fè epi mwen pa ka tann siksè kontinyèl yo. Jamaica, Queens se yon sant fanntastik pou ti biznis, rezidan yo ak plizyè milyon touris - Mwen kontan wè envestisman Eta New York isit la nan Jamaica."

Senatè Eta a Leroy Comrie te deklare, "Eta New York dwe sèvi kòm yon patnè ak katalis pou envestisman nan kominote pataje nou yo. Se poutèt sa mwen akeyi envestisman miltimilyon dola NY Forward la bay ak ouvèti espas travay an komen sa a. Lè nou investi nan lyen ki genyen ant enstitisyon yo tankou Greater Jamaica Development Corporation ak York College, nou trase yon chemen pou pwochen jenerasyon ti biznis, antreprenè, ak vizyonè yo. Mwen remèsyé Gouvènè Hochul, Justin Rodgers ak kòlèg mwen yo nan gouvènman an ki defann gouvènman an kòm yon kolaboratè nan amelyore lavi Nouyòkè yo."

Vivian Cook, ki se Manm Asanble a te deklare, "Pandan kominote nou an ap kontinye geri anba konsekans pandemi an, Inisyativ Revitalizasyon Anbalavil la ap ede inogire yon nouvo chapit rekiperasyon, kwasans, ak inovasyon nan Sidès Queens. Avèk envestisman ki pote transfòmasyon sa a, Gouvènè Hochul te reyafime angajman li pou leve ekonomi lokal nou an - ak ekonomi lokal yo nan tout eta a -- epi devni yon defansè

pou rezidan Jamaica yo. Mwen remèsyé li ak Greater Jamaica Development Corporation paske yo te pèmèt pwojè Greater Nexus la reyalize."

Prezidan Minisipalite Queens Ian, Donovan Richards te deklare, "Jamaica te grandi anpil nan dènye ane yo, soti nan etòk lojman abòdab li yo rive nan sèn atistik li yo ak plis ankò. Avèk ouvèti jodi a nan novo espas travay an komen Greater Jamaica Development Corporation lan, n ap franchi yon lòt etap masif nan direksyon pou konstwi yon ekonomi kominotè ki pi solid, ki gen plis sinèji ki pral peye dividann pou anpil jenerasyon. Tout ti biznis lokal nou yo merite yon chans pou yo pwospere, e se egzakteman sa espas sa a pral bay yon opòtinite pou yo fè. Mèsi ak Gouvènè Hochul, Hope Knight Empire State Development lan, GJDC ak tout patnè kominotè nou yo ki te fè jounen sa a posib."

Justin Rodgers, ki se Prezidan & Direktè Egzekitif Jeneral Greater Jamaica Development Corporation lan, te deklare, "Inisyativ Revitalizasyon Anbalavil Eta a deja ap travay nan Anbalavil Jamaica, espesyalman nan moman nou bezwen li plis. Anvan pandemi an, nou te rekonèt nesesite pou jèn antreprenè yo gen yon espas abòdab, fleksib, e kounye a, anviwònman travay apre Covid la fè Greater Nexus vin pi enpòtan. Nou konnen pwojè sa a pral atire plis inovasyon, envestisman ak opòtinite nan zòn nou an k ap finalman amelyore kalite lavi, okenn nan sa yo pa posib san sipò ofisyèl eli nou yo. Mèsi, Gouvènè Hochul!"

Prezidan National Grid New York la, Rudy Wynter, te deklare, "Inovasyon enpòtan anpil pou reyalize yon tranzisyon enèji pwòp ki pa kite pèsonn dèyè. National Grid fyè pou li kreye patenarya ak Gouvènè Hochul ak Greater Jamaica Development Corporation pou sipòte Greater Nexus atravè pwogram Sibvansyon Developman Ekonomik pou Enkibasyon an matyè Teknoloji Pwòp (CleanTech Incubation Economic Development Grant) nou an. Pwojè sa a se yon etap enpòtan nan direksyon yon avni enèjetik ki pwòp ki pral pote konpayi inovan ak bon travay nan rejon Greater Jamaica."

Sitiye nan 89-14 Parsons Blvd nan Jamaica, Queens, Greater Nexus se yon etablisman modèn ki genyen 10,000 pye kare pou espas travay ki abòdab ak fleksib ki kapab akomode 75-100 moun. Ekipman yo enkli yon espas travay kolaboratif, sal konferans, kabin telefòn ki ensonorize, ak yon sal medyatik pou kreyatè kontni yo. Manm yo ka chwazi nan plizyè anviwònman travay kòmanse nan yon biwo pataje nan zòn kolaborasyon an, yon kabin dedye, oswa chwazi pami yon seri gwosè biwo prive. Kòm yon ekstansyon espas travay an komen an, Greater Nexus ofri tou yon gwo espas fòmasyon modil pou òganize evènman, pwogram edikatif, opòtinite rezo ak konsèy. Espas fòmasyon sa a pral disponib pou tout kominote Jamaica a ansanm ak manm travay an komen yo. Nuevo espas la bay aksè ak ekipman biznis ak sèvis pou ede ankaraje inovasyon ak kwasans biznis nan Anbalavil Jamaica.

Espas travay an komen Greater Nexus la te sipòte pa yon sibvansyon kapital 1,650,000 dola ki soti Empire State Development, ke Konsèy Developman Ekonomik Rejyonal Vil New York la rekòmande, ak yon sibvansyon 685,230 dola ki soti nan Biwo Renouvèlman Kay ak Kominote. Deutsche Bank Foundation ak National Grid ak New

Market Tax Credits te bay plis finansman atravè NYCEDC ak Capital One Bank. Se Greater Jamaica Development Corporation ki pral opere espas an komen Greater Nexus la.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418